

M. Marc Goergen (Piraten) | Ganz gutt!

M. Fernand Etgen, Président | Merci villmools, Här Clement.

D'Regierung huet d'Wuert, d'Madamm Finanzminister Yuriko Backes. Madamm Backes, Dir hutt d'Wuert.

Prise de position du Gouvernement

Mme Yuriko Backes, Ministre des Finances | Voilà. Merci, Här President. Dir Dammen an Dir Hären Deputéiert, et freet mech, fir eng éischte Kéier hei a menger neier Fonctioun an der Chamber bei Iech ze sinn, direkt fir dräi Gesetzesprojeten, déi och ganz wichteg si fir eis Finanzplaz. Déi dräi Texter situéiere sech alleguerten effektiv am Kader och vun der Kapitalmarkt-Unioun a si fir eis Lëtzeburger Finanzplaz och ganz wichteg.

Fir d'éischt wëll ech natierlech och dem Rapporteur e ganz grouse Merci soe fir de méndlechen an och den exzellente schrëftleche Rapport. E grouse Merci, Här Bauler! An dann Iech alleguerte merci fir déi breet Zoustëmmung zu dësem Projet de loi.

Wéi de Rapporteur dat och soulevéiert huet, déngt dëse Projet de loi haaptsächlech der Ëmsetzung vun europäeschen Texter. Et geet direkt ëm fënneg Reglementer an eng Direktiv, déi ëmgesat mussen ginn, wat dat neit europäescht Produkt fir individuell Zousazpensiounen uegt.

Déi traditionell Zousazpensiounen sinn net ëmmer eng adequat Äntwert op dat sech dach verännerend Ëmfeld um Aarbechtsmaart. D'Leit wiessele vun enger Plaz op déi aner, plënnere vun engem Land an dat aner. Dofir besteet wierklech en enorm Potenzial, fir eng praktesch europäesch Léisung ze fannen, fir eise Bierger ze hëllefen, fir hir Pensioun ze spueren, an där Mobilitéit dann och Rechnung ze droen.

D'Portabilitéit vun deem sougenannte PEPP - Pepp - wäert et erlaben, weider an de selwechte Produit ze investéieren an anzebezuelen, och wann een an en anert Land geplënnert ass. Ech mengen, dat ass ganz wichteg fir eis Bierger.

Mat dësem Projet de loi setze mer dann de Kader fir d'Iwwerwaachung vun der Kommerzialisatioun vum PEPP zu Lëtzebuerg, andeems och d'Autorités de surveillance designéiert ginn an déi néideg Pouvoir kreéien.

Am Kader vun der Kapitalmarkt-Unioun, déi als Zil huet, d'Finanzéierungsméiglechkeete vun den Entrepreneuren ze diversifizéieren an ze stäerken, kënnen d'Pensiounsfongen eng wichteg Roll als Investisseur spillen. Als international Fongplaz huet Lëtzebuerg all d'Viraussetzungen an notament och déi néideg Kompetenzen, fir och aus dem PEPP eng Successstory ze maachen.

Doriwwer eraus operationaliséiert de Projet de loi verschidden Dispositiounen vu Reglementer am Beräich vun den nohaltegen a grénge Finanzen, der Taxonomie an der Disclosure.

Vu dass et sech hei ëm europäesch Reglementer handelt, déi also direkt an der Lëtzeburger Gesetzgebung applikabel sinn, huet dëse Projet de loi näischt am Fong mat den Texter ze dinn, déi aktuell an der Diskussioun sinn. Dir hutt se och ernimmt: d'Inclusioun vum Nucleaire a vum Gas an der Taxonomie. Ech mengen, do ass d'Regierungspositioun och ganz kloer.

De Projet de loi, deen haut virläit, setzt wéi och bei anere Reglementer verschidden Dispositiounen ëm, andeems déi zousätzlech zoustänneg Autoritéite fir déi zwee Reglementer designéiert ginn. De Projet preziséiert also just de Kader, an deem d'CSSF an de Commissariat aux assurances hir jeeweileg Missiounen ausüben.

De leschte Volet vum Gesetzesprojet, deen haut zum Vott steet, betrëfft d'Ëmsetzung vun zwee europäeschen Texter: d'UCITS-Direktiv an och de PRIIPS-Reglement. Ech mengen, hei huet den Här Bauler dat och ganz, ganz gutt erkläert. Dat sinn trotzdeem relativ technesch Ännerungen.

D'Texter goufen eréischt am Dezember publizéiert. Mir wollten dës Texter ganz séier ëmsetzen, well se justement wichteg si fir eis Finanzplaz. Mir wëllen och weider Klassebeschte bleiwen an der Ëmsetzung vun den Direktiven am Finanzdomän. An an deem Sënn wëll ech der Chamber Merci soe fir déi exzellent Zesummenaarbecht op dem Projet de loi am Allgemengen, mee och um Punkt, wat d'Transpositioun vun den Direktiven uegt.

Ech wollt dann awer nach vläicht kuerz, ganz, ganz kuerz agoen op dat, wat den Deputéierten Här Mosar gesot huet. Op där enger Säit, wat d'Sanktiounsgesetz uegt. Ech mengen, do gëtt effektiv un engem Avantprojet geschafft. Dir mentionéiert, dass dat och mat mengem Virgänger diskutéiert ginn ass. Ech kréie gesot, dass dat leider während der Pandemie net richteg weiderkonn ass. Et ass och extreem komplizéiert, Dir hutt et mentionéiert. Et ass juristescht och ganz, ganz komplex. Ech huele mech awer deem Dossier un. An ech hoffen, dass mer eis bei Geleeënheet dann och an der Cofibu domadder kënnen auseruesetzen.

Dir hat eng zweet Fro, Här Mosar, wat de Recours uegt. Do kann ech Iech just soen, dass géint all Decisioun vun der CSSF kann e Recours administratif geholl ginn. Dat ass Droit commun, och wann et net explizit an den Texter steet.

Plusieurs voix | Très bien!

Mme Yuriko Backes, Ministre des Finances | Voilà.

Une voix | Très bien!

Mme Yuriko Backes, Ministre des Finances | Ech soen Iech villmools Merci!

M. Fernand Etgen, Président | An ech soen der Madamm Finanzministesch Yuriko Backes villmools Merci.

D'Diskussioun ass elo ofgeschloss. Mir kommen elo zur Ofstëmmung iwwert de Projet de loi 7774. Den Text steet am Document parlementaire 7774⁶.

Vote sur l'ensemble du projet de loi 7774 et dispense du second vote constitutionnel

D'Ofstëmme fänkt un. Da komme mer zum Vote par procuration. De Vott ass ofgeschloss.

An de Projet de loi 7774 ass mat 57 Jo-Stëmme géint 2 Nee-Stëmmen uegheoll.

Ont voté oui : Mmes Diane Adehm, Nancy Arendt épouse Kemp, MM. Emile Eicher, Félix Eischen, Paul Galles, Léon Gloden, Jean-Marie Halsdorf, Mme Martine Hansen, MM. Max Hengel, Aly Kaes, Marc Lies, Georges Mischo, Mme Octavie Modert (par M. Laurent Mosar), M. Laurent Mosar, Mme Viviane Reding, MM. Gilles Roth, Jean-Paul Schaaf, Marc Spautz, Serge Wilmes (par M. Georges Mischo) et Michel Wolter ;

MM. Guy Arendt, André Bauler, Gilles Baum, Mme Simone Beissel, MM. Frank Colabianchi, Fernand Etgen, Gusti Graas, Max Hahn, Mme Carole Hartmann, MM. Pim Knaff, Claude Lamberty et Mme Lydie Polfer (par M. Gusti Graas) ;

Mme Simone Asselborn-Bintz, M. Dan Biancalana, Mmes Tess Burton, Francine Cloesener, MM. Yves Cruchten, Mars Di Bartolomeo, Mme Cécile Hemmen, M. Dan Kersch, Mme Lydia Mutsch et M. Carlo Weber ;

Mme Semiray Ahmedova (par Mme Josée Lorsché), M. François Benoy, Mmes Djuna Bernard, Stéphanie

Empain (par Mme Djuna Bernard), Chantal Gary, M. Marc Hansen, Mme Josée Lorsché, M. Charles Margue et Mme Jessie Thill ;

MM. Jeff Engelen, Fernand Kartheiser, Fred Keup et Roy Reding ;

MM. Sven Clement et Marc Goergen.

Ont voté non : Mmes Myriam Cecchetti et Nathalie Oberweis.

Freet d'Chamber d'Dispens vum zweete Vote constitutionnel?

(Assentiment)

Et ass also esou decidéiert.

5. 7825 - Projet de loi portant

1^{re} modification de la loi modifiée du 22 mars 2004 relative à la titrisation et portant modification de - la loi modifiée du 5 avril 1993 relative au secteur financier - la loi modifiée du 23 décembre 1998 portant création d'une commission de surveillance du secteur financier - la loi du 27 juillet 2003 sur le trust et les contrats fiduciaires - la loi modifiée du 4 décembre 1967 relative à l'impôt sur le revenu - la loi modifiée du 16 octobre 1934 concernant l'impôt sur la fortune - la loi modifiée du 12 février 1979 concernant la taxe sur la valeur ajoutée ;

2^e modification de la loi modifiée du 23 décembre 1998 portant création d'une commission de surveillance du secteur financier ;

3^e modification de la loi modifiée du 19 décembre 2002 concernant le registre de commerce et des sociétés ainsi que la comptabilité et les comptes annuels des entreprises ;

4^e modification de la loi du 16 juillet 2019 portant mise en œuvre des règlements EuVECA, EuSEF, MMF, ELTIF et Titrisation STS ;

5^e mise en œuvre du règlement (UE) 2020/1503 du Parlement européen et du Conseil du 7 octobre 2020 relatif aux prestataires européens de services de financement participatif pour les entrepreneurs, et modifiant le règlement (UE) 2017/1129 et la directive (UE) 2019/1937

Mir kommen elo zum Projet de loi 7825 iwwert d'Titrisatioun an de Crowdfunding. D'Riedezäit ass nom Basismodell festgeluecht.

An de Rapporteur vun dësem Projet de loi ass - wéi kënnt et anescht sinn? - den Här André Bauler. Här Bauler, Dir hutt d'Wuert.

Une voix | Très bien!

Rapport de la Commission des Finances et du Budget

M. André Bauler (DP), rapporteur | Merci, Här President, léif alleguer. Merci emol fir d'éischt, léif Kolleegen, fir déi gentil Wieder. Dat deet ëmmer esou gutt bei deenen dréchenen Texter hei. De Sven Clement sot, ech géif et ëmmer op eng relativ pedagogesch Manéier maachen. Wësst Der, dës Texter sinn heiansdo esou komplizéiert, dass een d'office, weinstens a mengem Fall, mat enger gewëssener Deemut do erugeet an ee sech dann och heiansdo freet, wann een dat hei muss exposéieren - do wëll ech Iech awer elo net ..., do dierft Der mech elo net falsch verstoen -: „Wie sage ich es meinem Kinde?“ An dat heescht, et soll een et an einfache Wieder versichen ze erklären. Deem Exercice wëll ech mech dann och ëmmer gären ënnerzéien, souwäit et méiglech ass.

Une voix | Très bien!

M. André Bauler (DP), rapporteur | Bei dësem Gesetzesprojet 7825 geet et ëm zwee Voleten: engersäits ëm d'Titrisatioun an anersäits ëm de Crowdfunding.

Et handelt sech also hei ëm zwee, jo, klassesch Elementer aus der Finanzwelt: Eent, dat all Mënsch kennt, de Crowdfunding, engersäits, also d'Sammele vu Fonge fir spezifesch Projeten, an op där anerer Säit d'Titrisatioun. Dat ass eng Praxis, déi warscheinlech ausserhalb vun der Finanzsphär net onbedéngt ganz ville Leit bekannt ass.

Loosst eis als Éischt mat der manner bekannter Praktik, also der Titrisatioun ufänken, déi de klassischen, traditionelle Client net direkt betrëfft.

Wéini schwätzt ee vun Titrisatioun? Eh bien, dat ass, ganz graff gesot, de Fall, wann ee Scholde verkeeft. Et ass also eng Finanzéierungstechnik, mat där Aktiven, déi e Revenu erméiglechen, un ee bestëmmten Organismus verkaaft ginn. Dësen Organismus benotzt dann déi Aktiven, fir Wäertpabeieren ze decken, déi dann op de Finanzmäert kënne verkaaft ginn.

De Virdeel hei ass, dass d'Scholden, déi am Fong just schlecht getosch kënne ginn, mat dëser Method kënne regroupéiert ginn an dann an de Verfaß kënne kommen.

Sou vill zur Definitioun.

Elo ginn ech dann op d'Punkten an, déi de Gesetzesprojet änneren soll.

Et geet drëm, fir e puer spezifesch Ännerunge vum Gesetz vum 22. Mäerz 2004 iwwert d'Titrisatioun virzehuelen. D'Zil ass et, fir Onkloerheeten aus der Welt ze schafen, andeem e puer Punkte prezisiéiert ginn. Dorënner fale gewësse Bezeechnungen, déi nei definéiert ginn, fir all den Acteuren déi gréisstméiglech Rechtssécherheet ze ginn.

Generell muss d'Gesetzgebung un déi aktuell Realitéit vum Marché ugepasst ginn. Zousätzlech komme Garantien fir d'Investisseuren derbäi.

D'Titrisatiounsorganismen kréien, dem Gesetzesprojet no, zukünfteg méi Spillraum, fir hir Aktivitéiten duerchzuféieren. D'Organismen kréie fir d'Éischt emol e méi breede Choix, wéi eng juristesche Form vu Gesellschaft si wëllen adoptéieren, Sociétés anonymes oder Sociétés en commandite, zum Beispill. Si hunn och e méi breede Choix, wat d'Finanzementer ugeet, op déi se zréckgräifen dierfen. Si dierfen och Sécherheeten an aner Garantien un Drëtter ausstellen a si dierfe schlussendlech eng aktiv Gestéiung vu verschiddene Wäertpabeiere maachen.

Fir d'Sécherheet vun den Investisseuren ze verstärken, ginn och hei e puer Ännerunge virgeholl. D'Reegelen iwwert d'Opdeelung, de sougenannte Compartimentage, vun engem Titrisatiounsorganismen, déi Reegele gi prezisiéiert. Zousätzlech müssen d'Titrisatiounsfongen dann an Zukunft och an eist Handelsregëster, den RCS, agedroe ginn.

Elo zum zweeten Deel vun dësem Gesetzesprojet.

Hei geet et ëm de Crowdfunding, also déi participativ Finanzementer, Financements participatifs. Dat ass eng Praxis, déi eis all, ech géif emol mengen, e Begrëff ass. Hei geet et also ëm eng Persoun, déi Sue brauch, Investisseuren, déi Suen hunn, an dann e Prestataire, dee via eng Onlineplattform vermittelte.

Et geet also hei an éischter Linn ëm de Finanzement vu klengen a mëttleren Entrepreneuren an och Startups, déi vergläichsweis kleng Montante brauchen, fir hir Aktivitéiten ze developpéieren oder ausbauen ze kënnen.

Et gëtt also am Normalfall pro Projet immens vill Investisseuren, déi ëmmer just kleng oder ganz kleng

Montante bereet sinn ze investéieren. Hei geet et net just ëm Investisseuren, mee och ëm Kreditter, déi iwwer esou Plattformen kënne gewäert, octroyéiert oder verdeelt ginn.

Bis elo gëtt et europawäit verschidde rechtlech Regimenter, déi fir de Moment net gutt koordinéiert sinn. Dowéinst soll dat europäescht Reglement 2020/1503 vum 7. Oktober 2020 hei eng gemeinsam Léisung sinn. Esou gëtt erëm d'Unioen vun de Kapitalmäert gestärkt, an den administrativen an och de juristeschen Opwand fir transnational Opfuerderungen, fir Finanzementer ze tätigen, gëtt reduzéiert.

Dat heite Reglement schafft also harmoniséiert Reegele fir de Fonctionnement, d'Organisatioun, den Agreement an d'Kontroll vun de Crowdfunding-Übiddern an hire Plattformen.

D'Zil ass et, fir grad eeben de klengen a mëttelgrousse Betriber souwéi de Startups en Accès op alternativ Finanzementer ze vereinfachen. Am selwechten Otemzuch gëtt awer och de Schutz vun den Investisseuren duerch harmoniséiert Reegele verbessert.

De Schutz vun den Investisseuren gëtt an dësem Fall nees iwwert d'CSSF garantéiert. D'CSSF gëtt also als kompetent Autoritéit am Text genannt. De Projet prezisiéiert och d'Pouvoir vun der CSSF, wat d'Surveillance, d'Enquêtes an d'Sanktiounen ugeet. An do wiere mer dann erëm beim Här Mosar sengem Thema, déi Fro, déi en eebe virdrun opgeworf hat.

Zum Schluss nach zu den Avisen.

De Staatsrot huet säin Avis de 17. Dezember zejoert publizéiert. Wat d'Derogatioun aus dem Artikel 19 ugeet, do war de Staatsrot der Meenung, dass déi net néideg ass an dowéinst sollt déi dann och erausgeholl ginn. De Staatsrot huet sech formell zu den Artikelen 20-18 an 20-19 opposéiert, dat, well europäesch Reglementer direkt applikabel sinn an déi national Gesetzgeber se net kopéieren dierfen.

D'Finanz- a Budgetskommissioun ass dësen Opfuerderungen natierlech gären nokomm a si huet de Gesetzesprojet an deem Sënn och deementspriedend ofgeännert.

D'Chambre de Commerce begréisst allgemeng de Gesetzesprojet, mee hätt sech méi Flexibilitéit fir d'Titrisatiounsorganismen gewënscht, wat d'Gard vun hire Liquiditéiten a Valeurs mobilières ugeet. D'Handelskummer hätt sech och driwwer gefreet, wa prezisiéiert gi wier, ob d'Titrisatiounsorganismen selwer kéinte Prête verginn.

Fir d'Detailer vun dësen Avisen verweisen ech op déi respektiv Dokumenter. Méi Detailer zum ganze Gesetzesprojet fannt Dir wéi gewinnt am schrëftlechen Rapport.

Här President, léif alleguer, et ass nun emol d'Stärkt vun der Lëtzebuerger Finanzplaz, dass eis Gesetzgebung ëmmer nees op den neiste Stand bruecht gëtt, dat mer och dacks First Mover sinn, denke mer un d'UCITS-Fongen an den 80er-Joren, op deene mer eng grouss Industrie opgebaut hunn. Mir ginn den Ufuerderunge vun der Zäit gerecht a bauen dofir eise gesetzleche Kader aus. Mat eise Gesetzgeber probéiere mer, all den Acteuren déi gréisstméiglech Rechtssécherheet ze bidden an hir Investisseuren hei am Grand-Duché beschtméiglech ze schützen.

Dat stëmmt net just, wann et ëm Finanzprodukter geet, déi am Fong just tëschent de Banken an aneren Organismen benotzt ginn, wéi zum Beispill d'Titrisatioun, nee, dëse Prinzip gëllt och fir alternativ Finanzéierungsméiglechkeete fir kleng a mëttel Betriber an och fir Startups, wéi et beim Crowdfunding nun emol de Fall ass.

Et ass dës Approche, déi mat dozou bäidréit, dass déi Lëtzebuerger Finanzplaz - vun där mer jo, wann een op d'Staatsfinanze kuckt, immens staark ofhänken - eeben esou attraktiv ass. Et muss ee bedenken, dass eleng eis Fongen aktuell 5,9 Billiounen Euro geréieren. Dat ass méi wéi de järeleche PIB, de Bruttoinlandsprodukt vu Japan, fir Iech dat e bësse méi ze verbildlechen, ze konkretiséieren.

An dach muss mer eis ëmmer virun Aen halen, dass an der wirtschaftlecher Geschicht vun eisem Land dacks villen a Fro gestallt ginn ass, sief et duerch konjunkturell Abréch, duerch strukturell Mutatiounen oder Verännerungen am internationale fiskaleschen Ëmfeld. D'Geschicht kennt eebe keng Droits acquis, keng éiweg geséichert Rechter, an dofir muss mer vigilant bleiwen an eise Bifdeck zu Bréssel an doriwwer eraus all Dag verteidegen.

Léif alleguer, dëse Gesetzesprojet ass an deem Sënn e weidert Puzzlestéck an eiser Legislatioun, déi, zesumme mat villen aneren Elementer, den Ekosystem vun eiser Finanzplaz an och hir Stärkt ausmécht an och dës Finanzplaz mat hirem Ekosystem sou attraktiv hält a mécht.

D'DP-Fraktioun gëtt op dëser Plaz dann och hiren Accord zu dësem Projet.

Schlussendlech soen ech nach eng Kéier der Madamm Finanzminister an hire Beamten aus dem Ministère villmools Merci fir déi gutt Zesummenaarbecht a wënschen Iech - ech hat dat virdru vergiess, Madamm Minister - natierlech och bonne Chance an Ärer neier Fonctioun a besonnesch bei der Verteidegung vun eisem Bifdeck zu Bréssel.

Villmools merci fir Är Opmierksamkeet an de gewinnvollen Interêt.

Plusieurs voix | Très bien!

M. Fernand Etgen, Président | Merci villmools dem Här Rapporteur André Bauler.

An den éischten ageschriwwene Riedner ass den honorabelen Här Laurent Mosar.

Discussion générale

M. Laurent Mosar (CSV) | Jo. Merci och direkt un de Rapporteur fir säin erëm eng Kéier exzellente Rapport. Besonnesch gutt huet mer awer seng Konklusioenen hei gefall: de Bifdeck, dee mer sollen zu Bréssel verteidegen. Ech mengen, en huet do méi wéi Recht. An e fënn och ëmmer d'CSV, jo, op senger Säit, wann et drëm geet, justement dee Bifdeck do ze verteidegen.

Ech kann dann och, Här President, direkt den Accord vu menger Fraktioun zu deem Projet ginn. De Rapporteur huet gesot, dass do elo notament vill méi Flexibilitéit kennt, wat déi Organismen de titrisation ubelaangt. Déi kënnen elo aner Zorte vu Gesellschaftsformen adoptéieren, wat fir mech e wichtege Schrëtt ass.

Ech kommen awer net derlaanscht, trotzdeem hei eng kleng Kritik unzebréngen. De Rapporteur huet dat och schonn a sengem Rapport zitéiert. Dat ass och eng Kritik, déi d'Chambre de Commerce mécht. Ech mengen eigentlech, dass mer hei hätte kënnen e bësselche méi wäit goen, wat déi Possibilitäten vun Titrisatiounsorganismen ugeet. Notament hätt een do awer kloer kënne soen, dass och esou Organismen kéinten hir eegen Aktivaen halen. Dat ass net gemaach ginn. Ech muss och soen, ech verstinn et net richteg, vu dass jo awer och déi Organismen hei ënnert déi selwecht Contrôle a Surveillance falen wéi d'Banken, nämlech d'CSSF. An ech mengen, et hätt een, wéi gesot, do sécherlech och vläicht déi Organismen nach méi kompetitiv kënne maachen,

notamment - a kommt, mer vergiessen dat net - an enger Welt, wou awer vläicht d'Banke manner wichteg ginn an eenzel Fonctiounen ëmmer méi och vun aneren Organisme wäerten iwwerholl ginn. Duerfir, wéi gesot, do hätt ee sech kënne virstellen, datt mer e bësse méi wäit gaange wieren.

Gradesou wéi och, datt net kloer aus dem Text ervirgeet, datt dës Organismen och kënne selwer Prêteen accordéieren. Ech verstinn do och net richtig, firwat datt mer net op dee Wee do gaange sinn. Ech muss och soen, datt et eigentlech net direkt verbueden ass, wann een den Text liest, mee et ass eng gewëssen Incertitude. A firwat dat net weider preziséieren, dat ass eng Fro, déi fir mech also net ganz kloer ass.

An dann e leschte Punkt: Ech mengen, mir müssen och iwwerleeën - an dësem Projet war dat vläicht nach e bëssen ze fréi -, inwiefern datt esou Organismen de titrisation an Zukunft och kënne aner Zorte vu Wärgungen detenéieren. Ech schwätzen hei vun de Kryptowärgungen. Och dat ass eng Tendenz, laanscht déi mer net kommen. Och do stellt sech d'Fro, ob een net awer misst e bësselche méi schnell goen, wat e Cadre légal vun esou Kryptomonnaien ugeet. Ech weess, datt den Här Gramegna ëmmer gesot huet, e géif do e bësselche waarden op en europäesche Kader. Ech verstinn och de Sënn vun där Demarche, hunn awer d'Gefill, datt aner Länner am Moment amgaange sinn, do e bësselche méi schnell virunzekommen - notamment Frankräich -, wat dann awer erëm riskéiert, eis um Niveau vun der Kompetitivitéit éischter zum Nodeel ze gereechen. Duerfir och do mäi Wonsch, vläicht bei engem nächste Projet ze kucken, ob een déi net do ka matabannen.

Dat gesot, bréngen ech awer hei den Accord vu menger Fraktioun, a mir wäerten dëse Projet matstëmmen. Merci.

M. Fernand Etgen, Président | Merci villmools, Här Mosar. An ech ginn d'Wuert weider un den honorabelen Här Dan Biancalana.

M. Dan Biancalana (LSAP) | Merci, Här President. Ech soen dem Rapporteur, dem Här Bauler, Merci fir säi mëndlechen a schrëftleche Rapport a ginn heimat och den Accord vun der LSAP-Fraktioun.

M. Fernand Etgen, Président | Merci, Här Biancalana. An da geet d'Wuert weider un den honorabelen Här François Benoy.

M. François Benoy (déi gréng) | Merci, Här President. Och vu menger Säit villmools merci dem Rapporteur fir dee ganz gudden mëndlechen a schrëftleche Rapport.

Ech wëll e puer Wuert iwwert de Crowdfunding verléieren, wat jo wierklech eng gutt Saach ass, dass mer deem hei elo e besseren an e méi kloer Kader ginn.

Crowdfunding gëtt et eigentlech jo scho ganz laang, och wann en an de leschte Joren - soen ech elo mol - duerch den Internet vläicht méi bekannt ginn ass. Dat berüümtste Beispill vu Crowdfunding respektiv vläicht och dat eelsten, ass jo dat vun der Fräiheitsstatue zu New York, déi jo iwwer e Crowdfunding finanziert ginn ass, wou 160.000 Spender sech zesummedoen hunn, fir dat dunn ze realiséieren. An, wéi gesot, am Zäitalter vum Internet ass et awer e Phänomeen, deen ëmmer méi grouss gëtt. An ech mengen, wat et vrun allem interessant mécht, ass, dass et innovativ Geschäftsidde méiglech mécht oder vläicht och Geschäftsidde méiglech mécht, déi soss vläicht net onbedéngt iwwert de classesche Wee - soen ech elo mol - hir Finanziierung fonnt hätten. An doduerjer mécht et souzoe ganz nei Méiglechkeeten op. Et gëtt also och de Bierger mat innovativen Iddie wierklech

d'Méiglechkeet, fir déi ëmzesetzen, an dofir ass et och wichteg, dass mer hei e richtige Kader dofir schafen, fir dass nieft deene méi classeschen Aart a Weisen, fir Finanziierungen ze fannen, och nei Geschäftsidde iwwert de Crowdfunding eebe kënne realiséiert ginn.

An ech mengen grad - an dat huet sech och déi lescht Jore gewisen -, dass iwwert den Internet an déi sozial Medien dat doten hei an den nächste Joren nach méi u Wichtegkeet wäert kréien an och nach méi Leit drop wäerten zréckgräifen.

An de leschte Jore gouf et jo och eng Rei national Initiativen, fir de Crowdfunding ze reguléieren, zum Beispill a Frankräich. Bon, dat huet awer dunn derzou gefouert, dass een ënnerschiddlech Reegelen an der Europäescher Unioun hat, wat dat awer net onbedéngt esou ënnerstëtzt huet, wéi een europawäit harmoniséierte legale Kader dat mécht, dee jo ganz am Sënn vun dem Marché unique ass. An dat ass jo och dat, wat mer haut hei maachen.

En harmoniséierte legale Kader wäert, mengen ech, och d'Käschten allgemeng vun de Crowdfunding-Plattformen kënne drécken, wat déi Investitiouns-méiglechkeeten doduerjer méi attraktiv mécht. Och grenzüwwerschreidend Investissementer ginn doduerch vereinfacht a geféiert. An och d'Sécherheet fir Investisseure ka verbessert ginn.

Dat mécht doduerjer de Crowdfunding zu engem staarken, nach méi staarken Moyen fir d'Zukunft, wouduerch mer zu Lëtzebuerg Startuppen an och an Europa Startuppe kënne gezielt ënnerstëtzen. An ech mengen, déi Projekte si grad esou ënnerstëtzenswäert, well ee mierkt, dass grad am Beräich vun der Innovatioun, der Klimatransitioun, awer och der Digitaliséierung hei ganz flott Projekte finanziert ginn, déi soss vläicht um classesche Wee méi Schwierigkeeten hätten.

An an deem Sënn ginn ech den Accord vun der grénger Fraktioun fir deen heite Projet.

Une voix | Très bien!

M. Fernand Etgen, Président | Merci villmools, Här Benoy. An d'Wuert huet elo den honorabelen Här Roy Reding.

M. Roy Reding (ADR) | Merci, Här President. Alt nees eng Kéier merci dem Rapporteur. Ech huele virwech, datt mer als ADR dat Gesetz hei matstëmmen.

Ech deelen, wat aner Kollege virdru gesot hunn: Dat Beschut un Ärem Rapport déi Kéier war d'Konklusioun. An den Här Mosar huet gemengt, d'CSV géif hanner Iech stoen an hannert der Ministesch stoen, wann et drëm geet, eise Steak ze verteidegen. Ech géif soen, traditionell hunn hei am Haus ëmmer all d'Parteien Hand an Hand geschafft - ausser vläicht um ganz lénke Bord -, wann et drëm gaangen ass, eis Finanzplaz opzebauen, ze stäerken an ze verteidegen.

An dee Steak, dee soll een net ënnerschätzen. Mir wëssen, datt ganz donkel Wolleken opgezu sinn um OECD-Himmel, wou ënnert dem Virwand vun enger Harmoniséierung vu Steuerreegelen, vu BEPSen a wéi se dann alleguerten heeschen, probéiert gëtt, Lëtzebuerg un d'Lieder ze goen. Mir hunn hei am Land 40.000 SOPARFien an dovunner lieue ganz vill Leit: Déi Leit, déi se grënnen, déi Leit, déi se domiciliéieren, déi Leit, déi se verwalten, d'Kontabelen, d'Experts comptables, d'Bureaux comptables, d'Réviseur-d'entreprises an esou weider an esou weider. A wann dat ugegraff gëtt, dat kéint en enorme Schued gi fir Lëtzebuerg, fir eis Steiereinommen a souger fir eis Fongezplaz, déi domadder och direkt betraff wier. An duerfir kann ech am Numm vun der ADR nëmme soen: Madamm Backes, Dir hutt eis Ënnerstëtzung. Kämpft

ëm eise Steak. A bonne chance, net nëmme zu Bréssel, mee virun allem och mat der OECD!

Merci.

M. Fernand Etgen, Président | Merci villmools, Här Reding. An da wier et un där honorabelen Madamm Nathalie Oberweis. Madamm Oberweis, Dir hutt d'Wuert.

Mme Nathalie Oberweis (déi Lénk) | Merci, Här President. Fir d'éischt merci dem Rapporteur fir säi Rapport an och wëllkomm der neier Finanzministesch hei an der Chamber.

Mir mengen, wann een iwwert d'Titrisatioun schwätzt, da soll ee sech awer och d'Kris vun de Subprimes am Joer 2008 an Erënnung ruffen. Et war genee dës Finanztechnik, iwwert déi mer haut schwätzen, déi deemools d'Finanzkris ausgeléist huet, eng Finanzkris, déi letztendlech Milliounen vu Familljen op der Welt an d'Aarmut gedriwwen huet.

Mir stelle fest, dass d'Titrisatioun ënnert dem Drock vun der Finanzwelt lues a lues erëm méi salonfäeg gemaach gouf, nodeems se jorelaang a Verruff gerode war. An och, wann ëmmer gesot gëtt, et hätt een d'Lektioun vun 2008 geléiert an deementspreechend Reegelen agefouert, bleift et fir eis immens problematesch. An eisen Ae verhält et sech mat der Titrisatioun wéi mat der Nuklearenergie: D'Bedreiwer vun Atomkraaftwierker ënnerleien och strenge Sécherheetsreegelen an et ka sinn, datt et ni zu engem Accident kënnt. Mee wann et knuppt, da knuppt et richtig!

Mat deem heite Projet de loi kréien d'Finanzinstituter méi Flexibilitéit, fir hir Produiten am Beräich vun der Titrisatioun ze strukturéieren. Et geet net drëms, d'Reguléierung méi streng, mee méi labber ze maachen. Dofir wäerte mir och dergéint stëmmen.

Merci.

M. Fernand Etgen, Président | Merci villmools, Madamm Oberweis. An de leschten ageschriwwene Riedner ass den honorabelen Här Sven Clement. Här Clement, Dir hutt d'Wuert.

M. Sven Clement (Piraten) | Merci, Här President. Léif Kollegeinnen a Kollegen, nach eng Kéier merci un de Rapporteur fir déi ausféierlech Erklärungen.

Wann ech mer sou d'Reaktiounen unhéieren hu virdru, dann hat ech e bëssen d'Gefill, datt jiddweree sou méi oder manner domadder averstane wier, datt dat e ganz onspektakuläre Finanzprojet sollt sinn, deen e Secteur betrëfft, mat deem vill Leit am Alldag wéineg ze dinn hunn an deen zwar de Bifdeck tangéiert, mee éischter sou d'Bäilag vum Bifdeck ass wéi de Bifdeck selwer.

Mat dësem Gesetzesprojet sollten e puer Ännerunge kommen, punktuell, wat d'Reegele fir Verbréifungsgesellschaften, also déi Firmen, déi Wäertpabeieren opsetzen, betreffen. Zum Beispill sollen dës speziell Firmengesellschaften sech dann elo och müssen am Registre de commerce androen.

Esou wäit, esou gutt. Mee nee, leider net. Dëse schäinbar onspektakuläre Gesetzesprojet ass nämlech alles anescht wéi dat. D'Stëmme vun dësem Projet wäert dozou féieren, datt d'Immobilienpekulation zu Lëtzebuerg weider ugeheizt gëtt. Do freet ee sech, firwat? Ma well dës Finanzgesellschaften mat dësem Gesetzesprojet - an do ass de Staatsrot och enger Meenung mat mer - an Zukunft direkt kënne Immobilie kafen oder och indirekt duerch Duechterfirmen an de Besëtz vun Wunnengen kommen. Dës Gesellschaften si reng op Finanzprodukte spezialiséiert. Si wäerte keng Wunnengen hei am Land bauen. Si kafe just a verkafen dann erëm zu engem méi héije Präis.

U sech e Skandal! Esou muss een et einfach soen. Jorelaang gëtt dem Bierger an der Biergerin dobausse gesot, et wier ee sech der Logementsproblematik bewosst, et wëlt ee géint d'Spekulation virgoen, an dann esou eppes. Dat kënnen mir Piraten net akzeptéieren! Ech kann net novollzéien, wéi esou eppes ka sinn.

Et gouf dunn an de Rapport eng Nott opgehol, datt dës Firms keng Aktivitéits commerciales mat dëse Wunnengen dierfen hunn. Bon, dat ass ... mir wëssen ... mir kennen déi Diskussioun iwwert d'Activitéits commerciales méi wéi genuch. An dat ass awer esou e Gummibegrëff. A virun allem, wann ee weess, wéi vill d'Firmestrukturen et gëtt, an datt een allkéiers fir een Objet quasi erëm eng Zweckgesellschaft ka maachen, da fänkt et awer un, iergendwou kokass ze ginn.

An da steet et just am Rapport, et steet net am Gesetz! Op där enger Säit verspricht eis de Premier a senger Ried zum État de la Nation eng Spekulationssteuer an eng Reform vun der Grondsteuer. Zweek Projeten, zu deene mer nach ëmmer keng Detailer kennen. Mir als Chamber wëllen dann d'Recht op Wunraum souguer als Staatszil an d'Verfassung schreiwen, an dann dat heiten. Eng Firma, déi Wäertpabeieren op de Marché bréngt, an all déi Firmen, un deenen dës éischt Firma Parte besetzt, sollen Haiser a Wunnenge besetzen dierfen, solle mat dëse Wunnengen dierfe Profit maachen.

Dat Ganzt hei weist einfach, wéi onéierlech d'Logementskris ugaange gëtt. Op där enger Säit verspricht mer Besserung, fir op där anerer Säit dann esou Projete wéi dat heiten ze stëmmen.

Här President, ech kann Iech ganz kloer soen, datt mir Piraten dëse Projet net matstëmme wäerten. Net, well mer net de Bifdeck wëlle verteidegen. Jiddweree vun de Lëtzebuergerinnen a Lëtzebuerger hätt gären e Stéck vun deem Bifdeck. Mee ganz einfach, well d'Logementskris ze akut ass, fir elo nach d'Immobilienpekulation weider unzeheizen.

Eis Positioun ass also kloer. Mee un der Regierungspositioun hunn ech, spéitstens no dësem Gesetzesprojet, nawell awer meng Zweifel. Well wa mer hei am Rhythmus vun der Sprangpressessioun beim Thema Logement Gesetzer ausschaffen, dann ass d'Logementskris nach eppes, wat eis Enkelkanner wäert beschäftegen. Dëst Gesetz ass ee grouse Schrëtt no hannen a keen no vir a fënnt dofir net eis Ënnerstützung.

Ech soen Iech Merci.

M. Marc Goergen (Piraten) | Ganz gutt!

M. Fernand Etgen, Président | Merci villmools, Här Clement.

D'Regierung huet d'Wuert, d'Madamm Finanzministeresch Yuriko Backes. Madamm Backes, Dir hutt d'Wuert.

Prise de position du Gouvernement

Mme Yuriko Backes, Ministre des Finances | Merci, Här President. Dir Dammen an Dir Hären Deputéiert, nach eng Keier dem Rapporteur Här Bauler e grouse Merci fir säi schrëftlechen a mündlechen Rapport.

Et ass e puermol iwwert de Bifdeck geschwat ginn. Ech wäert e selbstverständlech verteidegen, maacht Iech do iwwerhaupt keng Suergen. Et wäert do op alle Fall net u menger Determinatioun feelen!

Une voix | Très bien!

Mme Yuriko Backes, Ministre des Finances | Ech soen Iech dann och Merci fir d'Zoustëmmung, déi breet Zoustëmmung zu dësem Projet de loi. Et ass

wichtig, dass mir eng Finanzplaz hunn, déi konkurrenzfähig a villfältig ass an dat och bleift. Dëse Gesetzesprojet dréit ouni Zweifel dozou bäi, andeems d'Aktivitéiten, déi op der Finanzplaz schonn haut bestinn, konsolidéiert ginn an en Ëmfeld geschaaft gëtt, fir dass och nei Aktivitéiten zu Lëtzebuerg kënnen gemaach ginn.

Lëtzebuerg huet sech scho virun enger Rei vu Joren e gesetzleche Kader ginn fir den Developpement vum Titrisationengeschäft. Dëse legale Kader huet sech an der Praxis bewäert: Lëtzebuerg ass ënnert den Top-3-Länner an Europa an dësem Beräich.

Fir dass dat esou bleift, riichte mir mat dësem Gesetzesprojet de Bléck dann och weider no vir. D'Titrisation ass eng Finanztechnik, déi der reeller Ekonomie zeguttkënn, nei Liquiditéit fir Banken an Entreprises schaaft an nei Investissementsmëglichkeete kreéiert.

Dat huet och d'Europäesch Kommissioun rezent ënnerstrach, andeems se sech fir e méi breede Gebrauch vun der Titrisation am Kader vun der ekonomescher Relance no der Pandemie ausgesprach huet.

Här President, dëse Gesetzesprojet klarifizéiert d'Gesetz iwwert d'Titrisation op eenzele Punkten a passt et ebe un déi aktuell Exigencë vum Marché un. Dobäi gëtt awer och eng Keier de Schutz vun den Investisseuren gestärkt. D'Modernisation vum Gesetz vun 2004 soll den Entitéiten, déi wëllen ënner Lëtzeburgergeschem Recht eng Titrisation realiséieren, nei Mëglichkeete ginn, fir dës ënner kloer Konditiounen auszuféieren.

Dofir wëll ech vläicht dann och direkt op d'Remark vum Deputéierte Mosar agoen. Et gouf mat alle Concernéierte geschwat. Mir hunn hei probéiert, den Equilibre ze fannen a mir sinn och ganz bewosst hei de Mëttelwee gaangen. Mir hunn de Mëttelwee gesicht, fir souwuel den Demandé vun den Acteuren um Terrain nozekomme wéi awer och, fir d'Protektioun vun den Investisseuren an d'Kontroll vun de Risikoe weider sécherzestellen. Mir sinn zouversichtlech, dass heimat déi richteg Jalone gesat ginn, fir dass d'Finanzplaz och an dësem Segment kompetitiv bleift.

Ech kéim dann och kuerz op den zweete Volet vum Gesetzesprojet, deen als Objet huet, d'europäesch Reglement iwwert de Crowdfunding ze operationaliséieren. Lëtzebuerg begreift den europäeschen Text fir en harmoniséierte Kader an der EU, fir eeben eng nei Zort vu Finanzprestatairen ze reglementéieren, déi Crowdfunding-Service fir Entrepreneuren ubidden.

De Gesetzesprojet iwwerdréit dem nationale Finanzregulateur, also der CSSF dofir nei Attributiounen an och Pouvoiren, dat fir d'Surveillance vu Crowdfunding-Prestatairen ze assuréieren.

Et ass wichtig, dass Europa sech och an deem Domän en eenheetlech Reegeliwerk ginn huet, wat de Betriber nei Finanzmëglichkeete gëtt, Rechtssécherheet schaaft an den Investisseur schützt.

Här President, hei schléisst sech dann de Krees mam éischte Volet vum Gesetzestext. Mir moderniséieren eis Gesetzgebung, mir diversifizéieren eis Finanzplaz - ech mengen, dat ass ganz wichtig - a mir stäerken d'Kapitalmarchéen, wat och eiser Ekonomie zegutt kënn.

Ech soen Iech Merci.

Plusieurs voix | Très bien!

M. Fernand Etgen, Président | Merci villmools, der Madamm Finanzministeresch Yuriko Backes. D'Diskussion ass elo ofgeschloss.

Mir kommen elo zur Ofstëmmung iwwert de Projet de loi 7825. Den Text steet am Document parlementaire 7825³.

Vote sur l'ensemble du projet de loi 7825 et dispense du second vote constitutionnel

D'Ofstëmmung fänkt un. Da komme mer zum Vote par procuration. De Vott ass ofgeschloss.

An de Projet de loi ass mat 54 Jo-Stëmme bei 4 Nee-Stëmmen ugehol.

Ont voté oui : Mmes Diane Adehm, Nancy Arendt épouse Kemp, MM. Emile Eicher, Félix Eischen, Paul Galles, Léon Gloden, Jean-Marie Halsdorf, Mme Martine Hansen, MM. Max Hengel, Aly Kaes, Marc Lies, Georges Mischo, Mme Octavie Modert (par M. Laurent Mosar), M. Laurent Mosar, Mme Viviane Reding, MM. Gilles Roth, Jean-Paul Schaaf, Marc Spautz, Serge Wilmes, Claude Wiseler (par Mme Martine Hansen) ;

MM. Guy Arendt, André Bauler, Gilles Baum, Mme Simone Beissel, MM. Frank Colabianchi, Fernand Etgen, Gusti Graas, Max Hahn, Mme Carole Hartmann, MM. Pim Knaff, Claude Lamberty et Mme Lydie Polfer (par M. Gusti Graas) ;

Mme Simone Asselborn-Bintz, M. Dan Biancalana, Mmes Tess Burton, Francine Closener, MM. Yves Cruchten, Mars Di Bartolomeo, Mme Cécile Hemmen, M. Dan Kersch, Mme Lydia Mutsch et M. Carlo Weber ;

Mme Semiray Ahmedova (par Mme Djuna Bernard), M. François Benoy, Mmes Djuna Bernard, Chantal Gary, M. Marc Hansen, Mme Josée Lorsché, M. Charles Margue et Mme Jessie Thill ;

MM. Jeff Engelen, Fernand Kartheiser, Fred Keup et Roy Reding.

Ont voté non : MM. Sven Clement et Marc Goergen ;

Mmes Myriam Cecchetti et Nathalie Oberweis.

Freet d'Chamber d'Dispens vum zweete Vote constitutionnel?

(Assentiment)

Et ass also esou decidéiert.

6. 7861 - Projet de loi portant modification de la loi du 17 avril 2018 relative aux indices de référence

Als nächste Punkt um Ordre du jour kënn de Projet de loi 7861 iwwert d'Referenzindizen.

D'Riedezäit ass nom Basismodell festgeluecht an d'Wuert huet elo de Rapporteur vun dësem Projet de loi. A wie kéint dat anescht sinn? A mol net e Professer kéint et besser maachen ...

(Hilarité)

... wéi den honorabelen Här André Bauler.

Plusieurs voix | Oo!

Rapport de la Commission des Finances et du Budget

M. André Bauler (DP), rapporteur | Här President, léif alleguer, no där do Remark soen ech elo léiwer näischt.

(Hilarité)

Wann ee Kontrakter a gewëssene Beräicher ofschléisst, da muss ee sech a verschidde Fäll drop eenegen, fir sech un externe Referenzen ze orientéieren. E ganz einfacht Beispill ass de variablen Zënssaz bei engem Immobilienkredit. Fir ze garantéieren, datt een de Marché suivéiert an net d'Bank just intern den Taux, den Zënssaz fixéiert, kann ee sech an deem Fall drop eenegen, fir en onofhängegen Indice de référence, e Referenzindex ze benotzen. Dësen Indice de référence gëtt da benotzt, fir d'Mensualitéiten ze berechnen.